



柳色董金


雨泉龕合刻 詩集

昭易李季嫺靜缺氏著

七言古

種蘭歌

梯山曳露鋤雲根
芟艾披荆得幽節
雖然數莖花無多
已覺色香堪獨絕
窗前偶有黃磁斗
一似先為種此設
養以綺石永若芳
挹彼清泉漑其潔
蘭兮蘭兮如有知
孤標何必藏巖穴



寒夜山居

連峯高聳環茅屋綠煙滅盡鴉羣宿山空樹凍夜無
聲獨有懸崖飛素瀑烹泉和月煮鐺中茶濤相伴松
風謾可知此地有性情居之足以酬予夙

過花飛閣

花飛閣下見花飛綠肥紅綻春欲歸巡枝將折不肯
折惜此芳菲經歲別燕驚新葉亦知愁蝶戀餘香意
欲留餘香在樹風更吹但燭飛花再上枝

天中弟蒙 恩復官歸骸仍廕一子感賦

青衣小兒市上舞 官家新閉三錢府朱玉摘辭賦

大招浩浩恩波到黃土猶憶當年侍從臣欲排閭闔
批龍鱗封章偶失 君王意襍被長征萬里塵塞外

霜風寒側側鴉鷗颺颺爭相逼空嗟埋骨遼海頭九
死遐荒歸不得 帝念孤忠輟筋哀金雞銜 詔到

蒿萊衛公崖島收骸返呂相虔州許櫬回更爾慙慙
傳特 旨功名仍復黃門使 璽書爲問象賢人賸

有恩施酬令子獨憐汝婦暉已枯仰天痛絕聲呱呱
七旬老父撫棺泣團團弟妹羣相扶深閨病姊愁思
倦幾回夢識窮沙面擁衾北望頌 皇仁感劇增悲
淚如霰

瑞草篇

戊子秋霖兒薦鄉書有產芝茶具之瑞今已亥
秋再行會試又於佛龕下產芝數本皆紺色庭
下春蘭忽放二花經旬不謝而霖兒果捷春官

因喜而賦此

閒房闐寂金風起北望關河數千里三春葢榜值三
秋蟾窟清芬飄桂子吾兒鐵硯幾磨穿十年偃蹇誰
爲憐片帆風送燕臺路高飛鴻鵠摩青天憶昔南闈
鹿讌時英華忽產瓊田芝至今淪落久抑鬱庭前草
樹空紛披晨起偶向齋房坐龕底輪囷生箇箇摘得
初看祇自疑朱柯紫笋家人賀更復春蘭綻二花幽
香拂砌抽紅葩楚些昔曾歌紉佩羅含宅內叢靈芽

乃知物理真難明芝菌不種能自生科名已兆杜荀
鶴胡然馥郁滋蘭英煌煌芝秀稱罕有貯蘭不必黃
磁斗上苑泥金一紙來宮花喜落吾兒手

幼女月珠維章別室所生也予携歸數月因欲
歸省舟車不便復付黃姬尋以痘殤中秋詩以

哭之

生來弱質玉爲粧願爾芳姿松柏長雖未恩同離裏
厚亦曾鞠養牽肝腸一旦朝華摧夜雨月暗庭除泣

雨泉龕合刻

詩集

昭易李季嫺靜映氏著

五言律

○ 元日

慶雲連寶炬物意自生春端月方開朔元辰正入寅
桃符驅宿魅栢酒薦春頻人事都如昨韶華又一新

一 春初

連雲迷雁徑百卉護春芽氣淑開新翠風和散遠華

梅梢微露白柳眼幾絲斜掃石烹餘雪閒窓試點茶
偶閱白太傅春深好和韻

何處春深好春深樵子家柴門依曲水竹逕遶殘花
柯爛因觀奕薪多欲倩車晚歸峰影亂坐倚片雲斜
○其二
何處春深好春深沽酒家酣吟梅嶼月醉卧杏林花
曾助詞人宴時停高士車結茅當竹逕遠旆漾風斜
春歸延令懷昭陽卽景偶成

故地懷人遠歸思盡日迷一江春水綠萬樹曉鶯啼
花落清波裏松欹石澗西綺窓憐瘦影獨對草萋萋

寄壽大人七十

望擬東山重文懸北斗名傳家餘孝友遶膝半簪纓
漉酒懷偏遠看雲杖亦輕升恒持獻祝聊慰未歸情

紀夢

夢陟高岡上望中魂欲迷細草春前綠幽花雨後移
野禽時俯仰白鶴自參差却憶鄉關杳言歸未有期

村居

幽境無人到。山深孰與隣。
檻泉清曉幕。堤柳識前津。
榻冷家園夢。詩吟草木春。
翛然塵世外。此地好棲真。

春遊思天中弟

路杳迷雲際。春風憶故鄉。
思隨鷗鳥去。愁逐柳絲長。
舟泛清溪月。花飛隔岸香。
歸來無所事。別恨自茫茫。

偶成

硯石常爲伴。詩篇足慰貧。
衲衣除俗累。竹榻靜蠶塵。

欲效鹿門隱。其如荆布身。
還思山水樂。寤寐久相親。

步東園

欲邀天外月。應陟白雲梯。
橋曲觀魚集。枝高任鳥棲。
叢陰籠小閣。疎影落幽谿。
日暮東園裏。飛花滿石堤。

登問天閣

高天何可問。徙倚對名花。
梅拙幹橫鐵。榴開枝聚霞。
歸巢燕語急。當牖竹陰斜。
何必桃源隱。居然處士家。

晚望

好景
難得

日落禪關靜。疎楊夾岸邊。山高花拂月。林遠樹依天。
帆影參差見。嵐花高下連。樵歸望燈火。白鶴卧青烟。

五日

龍舟喧午節。風俗重三吳。榴映紅裙簇。蒲添翠黛嫵。
果能成大藥。何必佩靈符。快讀離騷句。忠魂尚可呼。
贈維章從姊以貞道人

道岸子先游。途迷我尚留。薰修塵累遠。淡泊慧燈流。
繡佛懸珠閣。金經滿畫樓。倡隨無異操。坐老華山秋。

天選思皇兩弟過。昭易與子兒讀書靜。寄書屋
賦此志喜

几靜落花明。牙籤擁百城。管寧穿木榻。終子乞長纓。
家學箕裘美。時名棣鄂成。相將風雨夜。不盡舅甥情。

秋日憶老父諸弟

驅車鄉路迴。泣別野風前。衰草疑秋露。寒鴉帶晚烟。
懷親新白髮。憶弟舊青氈。望裏江村暮。經過更幾年。

步月

藜火蘿龕夜情遙竹逕空亂雲看北度皓魄任懸東
栗響來幽室鐘聲出梵宮蕉陰閒坐月嘆息古今同
九日遇雨

深秋當九日涼氣足長廊把菊開新釀裁萸佩小囊
江楓深淺醉沙鴈後先翔樹落風前翠芙蓉半墮芳

盆菊

連宵伏枕看菊未果霖兒攜數本供床側遠
韻高香與夫子維章刻燭分吟相對殊不俗

也

欲採東籬菊清心對遠香蕭疎搖水鏡濃淡鬪山粧
瘦葉空秋影斜枝倚夕陽不須憐寂寞孤韻遶匡牀

籬菊

余病稍起命二鬟掖至籬下看菊喜而賦此
秋欄桐影瘦籬菊漸芳菲碎玉裁寒艷攢金綴冷翻
落英供屈賦荒徑速陶歸偏與凡葩異霜姿傲晚暉
懷天中大弟

北望思吾弟秋砧起暮哀爲傷邊塞苦頻盼雁書來
淚落丹楓老愁看黃菊開聖朝多雨露竚待舊臣回
從孫台尹自海陵歸述宮氏春雨草堂之勝欣然寄題

湖上柴門迴危橋亂石欹江城圍細草畫閣靜朝曦
月照松花落窓虛山鳥窺年來依病榻擗管強裁詩

酬石夫人贈鸚鵡絲鷄

秋水蒹葭滿雲箋慰索居坐吟青玉案懶曳紫霞裾

言鳥傳仙使山雞舞夜除自慚無以報鎮日念瓊瑤
得天中大弟訊

憐爾關山隔書從塞北來黃雲瀾大野白草遍荒臺
風勁豺狼嘯天高鴻雁哀登樓應有賦何日共銜盃
得霖兒報志 時己亥以八月會試

十載辛勤日泥金上苑來宮袍分桂綠秋月動春雷

芝秀燈龕雨

時芝生佛案下

蘭香石砌梅

時春蘭又開二花

翻然離

病榻幃幔曙光開

又喜霖兒得授庶常

家聲淮海重弱子早簪纓風閣魚曾繫鸞坡筆舊橫
新恩承紫陛世業起蓬瀛喜爾能繩武絲綸望令名
賀滄葦三弟改授御史

吾弟聲華盛功名著玉珂近知簪白筆喜見侍彤坡
驄馬人應避封章草自多緘書寄京國深羨豸冠峨
送關山五弟赴北闈

別弟三年久燕山此再行穿床思昔日

向曾讀
書子家

想前征明月出圍好秋風叢桂清鹿鳴應指日春省
看遷鶯

喜天中大弟 恩子歸莽

聖主恩還渥孤臣去不回玉闈生未入冥路賦歸來
上國封章在佳城雨露哀好將 優卹意珍重告泉
臺

虎丘二女禪來邑顧余病榻奈地僻人貧不堪
容錫亟欲返棹因贈

病榻深禪思寒江二妙來庭前無栢子舌底有蓮臺
布地黃金少傳經白雪哀滄浪今一別杯渡肯重回

冬至日憶霖兒

膝下兒雖遠欣看壻與甥長吟非爲別遠望若關情
香裊燈花泛杯傳夜色清陽暉添線日珮響玉階聲

雨泉龕合刻詩集

昭陽李季嫻靜娛氏著

七言律

七夕
限韻

雙星遙度晚鐘初翠羽盈橋香引車今夕朱顏猶傅
粉來甯綠髮應停梳凝凝舊恨風鳴佩漾漾新愁雲
襯裾乞巧樓頭誰贈巧常年空待五更餘

有懷越中山水髻時曾隨
大人宦遊其地

千頃湖光樹色連。片帆搖漾水中天。輕風時送漁舟曲。落日閒看野寺烟。垂柳絲絲金線舞。浮萍點點翠花圓。回思舊事今難再。夢遶錢塘江上船。

三姪女回昭易值予在母家

聞汝歸寧邗水東。離多幾欲話離衷。一簾花影懷無盡。兩地相思夢亦通。自擬憑欄傳佛偈。相期坐月展詩筒。滄浪此夕留清韻。何日親瞻道蘊風。

中秋值雨

一庭涼雨感同遊。冷月淒雲動夕愁。庭樹影搖催落葉。塞鴻聲斷欲添秋。當携斗酒登天柱。虛擬豪吟坐庾樓。遠浦漁燈明數點。憑欄漠漠水烟浮。

秋懷

昨夜梧桐落綺樓。朝來園菊已生秋。風催鐵馬聲聲急。露冷銀蟾處處幽。遠寺鐘疎依澗寂。空庭香細倚簾浮。蘆花影浸江天月。不待飛霜盡白頭。

芙蓉

吹來玉露濕花光側岸芙蓉獨傲霜綠葉不隨楓葉
赤紅英相伴菊英黃蜀城日照開新錦江渚風牽醉
晚妝祇許伊人得持贈淡烟疎雨自生香

重九值雨

待問蒼穹擬陟高秋聲滿樹伴吟騷減香籬菊飄紅
雨點絮江蘆舞素濤落帽未能追傲客題糕思欲繼
詩豪幽窓蕉葉敲寒夢惆悵登臨把白醪

病卧八月召太醫起生老人診視借彼禪語破

○我病源遂有起色喜而賦此

弱骨支床半載餘老人鼓棹問吾廬五宗悟徹玄言
旨七發功高素問書相減因知身是幻觀空自覺病
先除靜中已識無生理顧影翩翩失舊余

夜坐

粧臺久已積塵多漫檢詩篇獨嘯歌家在夢中蓬鬢
老門臨秋水雁聲過山花影拂搖江月露葉寒侵怨
病魔夜坐不知清漏永殘星幾點傍銀河

秋夜

夜清枕上聽梧桐。古樹秋原隱釣翁。石帶水痕波影
落。月來松壑暮。嗒空鐘敲遠寺林。初霧鴉噪高枝日
欲紅。北關利名車馬客。家山應借夢相通。

文選樓懷古

煙銷六代久沉浮。縹緲猶傳帝子樓。作賦何人當檻
立。卷簾山色隔江愁。荒城落葉蕭蕭暮。古寺疎鐘黯
黯秋。遺恨中原尚戎馬。空教南國擅風流。

賦得隋堤柳

春雲淡淡覆蕪城。望裏隋堤草自生。飛絮雪霑輕輦
過。長條碧鎖暮烟平。曲江波送垂垂影。曉閣鶯啼樹
樹聲。直待東風一搖曳。只今歌舞正關情。

讀秦本紀

百年興廢看書史。滾滾長江日夕流。七國事同秋霧
散。二嶠偏鎖晚烟愁。青山日暝干戈裏。俠客風寒易
水頭。千古英雄誰復在。長宵空惜劍光浮。

秋夕思親并懷天中弟遠謫

蛩吟石砌咽秋霜。葉墜梧桐送晚涼。故國思親空有
夢。殊方憶弟自霑裳。亭亭烟樹雲山外。汎汎漁舟落
日傍。滿目愁連鴻雁影。高堂桂子待飛觴。

其二

憶昔聯詩燭影殘。花開幾度隔關山。南雲雁足無書
繫。北地羊裘有淚斑。堂上老親多白髮。閨中病姊換
朱顏。愁思欲話離羣恨。野水蒼茫滿目間。

得霖兒京中書作此寄慰

高柳鳴蟬各一天。開函喜見北來箋。去時舟楫荷香
染。今日文章御墨鮮。莫念故園頻入夢。且供臣職任
勞賢。雙親黑髮成家慶。待爾懸魚祝大年。

別季復甥

北堂歸省暫回舟。送別依依楚水頭。塞雁過江孤影
瘦。寒雲拂樹遠天浮。硯穿莫畏霜花落。筆凍還將蠹
字修。琴劍蕭條無所贈。渭陽此際不堪愁。

四詩以首為為
佳

讀司李王公秋柳四首次韻

幽閣遙憐湘水魂。垂楊影瘦掩柴門。臨風難縮青絲
結。過雨空生碧蘚痕。春色銷殘吹笛夜。秋容慘淡隔
溪村。江邊楓落隋堤冷。燕語鶯聲那更論。

其二

吟蟲繞砌泣清霜。衰柳寒鴉集野塘。寶篋已藏團月
扇。玉禾爭入輓車箱。依依自昔猶驚戍。濯濯于今莫
擬王。日暮蒹葭秋水碧。想同憔悴午橋坊。

張緒不姓王

其三

半池霜倒芰荷衣。張緒風流嘆已非。官渡碧隨秋葉
落。輞川浪逐釣船稀。驪歌送別枝曾折。錦纜牽舟絮
不飛。慨嘆十圍成底事。當時空使壯心違。

其四

長條蕭瑟倍堪憐。遙憶青青鎖暮烟。無復前津眉似
翠。何時夾岸白于綿。梅花夢杳羅浮月。桃葉春歸石
洞年。彭澤五株寥落盡。祇應擬醉菊花邊。

巳亥除夕憶霖兒

經年臥病掩禪關窗外松枝共我閒
書得黃雞銷歲月吟成白雪老容顏
尊前此際空憐別堂下何時見舞班
秉燭夜闌恣聽雁長安日遠隔雲山

立春日病小愈夜讀漫述

久臥匡床未識春辭床猶是臥床人
南園花樹還如舊東海雲霞倏又新
暫得身輕辭藥裏喜逢寵渥錫絲綸
迢迢子夜燒紅燭漫檢詩書坐向晨

雨泉龕合刻

詩集

昭陽李季嫺靜姨氏著

五言絕

咏草

王孫路傍草歲歲知春早
羞殺春風花落花容易老

思父

菊葉經霜落鳴鴻驚欲冷
白雲時遠望望斷千山嶺

其二

百里煙霞隔。愁深楚水濱。滄浪看落日。極目倍思親。
彈琵琶

鷓絃促。織玉飛響。遏雲流。彈到曲終處。關山無限愁。
東園夜泛

紅芳吹不散。搖落一江秋。夜靜蘆花岸。還宜棹小舟。

山樵

縱步訪山家。歸途柳隱鴉。野歌尋曲徑。踏盡一林花。
摘蓮子擲池中。鴛鴦戲作

文禽偷探人。倦倚芰荷睡。拋果碎荷珠。乍疑金彈墜。
憶天中大弟。仝霖見北上

路遠征鴻渺。天寒古木稀。長安雪片片。還似故園飛。
與卞姬瑜芬對月彈琴

素指撥水絃。石泉激幽響。高音和者稀。獨有嫦娥賞。
讀史

開卷閱古人。古人義何深。今人復成古。曾似古人心。
却暑

荷風生水閣香氣入簾多
細雨開萍葉垂楊點碧波

閒院

披榛得古寺登塔破層雲
樹老枝橫月鐘聲隔院聞
閱唐詩用明月照高樓句

明月照高樓樓高人慣愁長吟非怨別只是怕經秋

病中述懷

愁極翻忘怨愁深不解愁臘殘猶負病塵滿讀書樓

登拱極臺

落葉墜秋波鄉思奈若何
高臺空悵望惟有客帆多

懷天中大弟

歸日知何日風霜應改顏
修書頻閣筆愁絕望燕山

懷蒼葦三弟

臨溪望去舟野水自悠悠
送別堤邊柳新枝又縮愁

春遊

坐石聽流泉春風草樹妍
山高入跡迥野水正相連

望遠

日落寒江寂。漁翁罷釣歸。山村多野火。處處掩柴扉。
風

拂拂動牕紗。淒淒感物華。不須團扇力。秋冷鬢雲斜。
對菊思霖兒

纔見東園菊花開。又半殘。長安同日遠。種得與誰看。

其二

歲月驚時換。今秋異。昨秋思兒空。有淚暗對菊花流。

偶成

昨夜中秋月。盈盈對畫樓。樓頭人獨立。圓缺每深愁。

初晴

雨洗庭階碧。風吹菡萏香。開窓來竹影。明月上東牆。

寄題春雨草堂

遙憶青山外。幽人隱薜蘿。門前春草綠。細雨濕漁簑。

其二

獨步小橋西。驚鴉飛復棲。秋花沾露冷。深夜自泥泥。

謝三姪心水送芙蓉

柴門晝不開秋花剝啄來爲憐江上冷移影到庭階
霖兒北上拈此勉之 巳亥會試

極目送行舟荷香傍水浮清琴未成調帆影逐飛鷗
其二

荆玉頻年獻春風苦病生芙蓉花正好爲念鏡中人
月夜思 大人及霖兒

明月當愁夜聲聲清漏長幾回成假寐好夢到幽牕
宮怨

獨憐堦下草御輦昔曾過莫怨君恩薄還因風雨多
春遊晚歸欲雨

遠樹浮雲合春山烟霧深遙看香閣上燈影照疎林
庭梅

鳥啄蒼苔破空庭鎖白雲梅枝殘雪盡清夜暗香聞
懷兒

一子不堪離關山滿目悲祇因君寵厚未敢問歸期
哭三亡妹

寂寔深閨月。寥幃問故人。蕭然環珮冷。不見舊時春。

其二

嘹唳天南雁。孤飛嘆失群。瑤臺雖有約。忍別故山雲。



